

四明叢書

張宗祥



吞月子集

四明張氏約園開雕

序

明之末季吾鄉有六狂生曰董幼安

志寧

王石雁

家勤

張雲生

夢錫

華吉甫

夏陸

贛庵

宇燁

毛象來

聚奎

象來

自號吞月子遭時偃蹇與其兄象臨彈射欣賞以文章
爲樂事其言曰天地逆旅光陰過客人生適志耳焉能
以吾身爲桎梏大塊既勞我以形骸而腐儒老生復束
之以繩墨維達人之曠觀烏知吾南面王樂又曰有林
有泉有風有月有松竹有魚鳥有詩酒琴棋往者取之
使林泉吾有風月吾有松竹魚鳥吾有詩酒琴棋吾有

而後耳目口鼻手足吾有而後耳目口鼻手足所歷之時之日之月之歲吾有不則吾耳吾目吾口吾鼻吾手足總不吾有也嗚呼天下有耳目口鼻手足不吾有以吾身爲桎梏者何可勝道康居而肉食衣鮮而策肥如游魚飛鳥釜中籠中歷少而壯而老將以爲名抑以爲利風波勞勞無已時逡巡歲月而不知此身之所成其精則搖搖其視聽也聾聵若乳羊曲以躋乎結若秋蟬暗以啞乎塵世肉囊惛惛不察斯非不持燭而經暗室之所致哉惟先生則萬慮澄然天光內育題其所常讀

書之處曰谷月人間世伯倫放情於荷鍾元亮適志於
籃輦抗陽竝麗掃夕耀明一枕黑甜三杯軟飽慷慨壹
鬱情見乎詞真血性男子也文筆妙天下具大手眼顧
泊然首偕寒瓊以獨伸其志凜凜英銳寧爲秋霜毋爲
檻羊識定則神閒氣充遇紛變而應之裕如至於成敗
禍福一任之於天無容以私智衡較其間卒瘡拮据皆
吾神仙事是則先生之志也先生之行也先生之文也
余於先生之所自道者擬以弁諸端而何敢贊一詞乎
顧謝山先生謂先生詩古文詞皆崛奇其宗人不能爲

之收拾竭力求之卒未得乃余小子竟得之其喜何如
爰就舊鈔略爲編訂分爲三卷益之以續者舊詩所輯
詩二首用東正氣集所載異獸傳卽壁狐傳也凡文七
十五篇詩六首忻君紹如馮君孟顓精爲校勘付梓以
傳吞月子之文庶乎爭光日月矣民國十九年十二月
後學張壽鏞序

毛戶部聚奎傳

全祖望撰

聚奎字象來一字文垣都給事中宏之後爲人懷直剛果有節概少與其弟聚璧並有聲時稱爲西皋雙鳳乙酉豫於六狂生之列幾爲夫已氏所害尋參瓜里幕府議以明經授戶部郎司餉事去奔走山海之間累遭名捕行遯得免而其家遂以此落晚年始歸初先生於庚寅辛卯間與吳于蕃管道復汪伯徵倪端本邦上周雪山爲社已而亡命及其歸也死亡星散竟以沈冥而卒所著有春月子集六狂生之幸得終牖下者先生一人

而已而亦無後君子哀之先生詩古文詞皆崛奇顧其宗人不能爲之收拾予竭力求之卒不得惟先大父贈公曾錄其文數篇今存之傳中云

壽鏞案續耆舊詩傳中所載文四篇曰方石銘曰輿人阜人丐人傳曰周乘六自序卷跋曰吞月銘皆在吞月子集中詩二首曰四明懷古曰謁文丞相祠惟四明懷古未錄染蓮湖水部印續耆舊詩時將孽狐傳原本所錄者刪去自註云此傳未錄馮君孟顥曾與之言謂不宜刪卒以文字忌諱未從蓮湖爲我至

友續耆舊詩之印有功鄉獻今世事遷變固不敢以
今日而論及當時也

明戶部郎毛先生象來家傳

汪國撰

先生名聚奎鄞人也少負奇姿讀書喜擊劍慕古豪傑之事與其弟聚璧齊名時號西皋雙鳳初以郡明經貢入太學會乙西南都變聞浙東諸郡奉魯王監國紹興先生夙遊錢忠介公幕因參與軍事授戶部清吏司員外郎軍府之中贊畫居多復從航海出虎蹲蛟門諸峽賦詩張越公祠下慷慨激烈與諸公歃血相誓後忠介薨于行翁洲旋失守諸軍殲焉先生脫身歸里復圖恢復閱數年而又有六狂生之禍六狂生者華翰林夏王

職方家勤楊石都文瓚董戶部志寧屠鵠部獻宸其一
卽先生皆鄞人也五人逮捕死獨先生跳而免當是時
浙東人士聞先生名者重其行義多欲破家藏匿之先
生喟然曰昔人有言雙自己作禍及他人吾忍效張儉
之望門投止乎遂棄妻孥入海島所過螭灘鯨背之間
尋謝晞髮王席帽諸公所嘗至地徬徨憑弔時時痛哭
失聲所作詩文淒楚激越合雅掩騷海濱多誦傳之者
嗚呼王室板蕩山河破碎志義之士爭出身以殉所天
固其宜也至於景命有歸四海之內冠履既定無不息

心以效順者而吾邑諸君子顧獨以區區之力欲噓已
息之燼此豈可得哉然而愚公移山精衛填海千載而
下亦存其志而已矣國朝禁網疏闊自定鼎以後盡除
前代苛政卽明餘諸士名挂叛逆之條亦未嘗輒加以
孥僇之罪而廣柳複壁中亡命逃竄如先生輩者不少
其後詔書一切不問嗚呼此亦可以驗寬大之政也先
生晚年風波旣息始得旋里中與友人吳子蕃管聖一
汪伯端倪端本諸人結吟社于西皋咸推先生爲祭酒
邗上周雪山亦來入社雪山名維祚自署爲江南看殘

月頭陀數君皆豪士而雪山才情尤雄厲與先生相得甚善每酒酣賦詩悲歌流涕劍槩之聲相磨聞者皆心驚膽掉蓋先生雖沈淪里巷而聞雞擊楫之志耿耿然終未下膺也及數年諸君相繼謝世雪山亦歸揚旋歿先生墨墨不樂未幾遂發病卒自先生卒後而西臺復社之徒彫零略盡故高武部隱學哭之以詩曰胸中嶽嶽何時已世上紛紛詎易任其所以悼惜之者至矣先生博通經史而尤邃於春秋其古文高削廉悍不屑蹈襲前人一字自景堂先生外未有過之者嘗自號吞月

子而銘之曰屈爾首塞爾口咄咄子光在爾右又曰乾九悔納西兌來與坎男齊其轡蓋其所寄託如此

贊曰先生眞振奇人哉夫燔妻子湛七族雖歷九死與百折志義之士猶將甘之如飴然而吳市變名楚關匍匐隱忍以全生夫安知其不出于舊國舊君之故哉吾鄉全謝山太史搜羅四明文獻而于鼎革諸公尤三致意焉獨先生之行事不盡詳幸毛氏之家乘在余得而論次之且頗推見其隱焉

吾月子集目錄

卷一 詩

贈別馬靜庵師歸虞山四首

四明懷古

謁文丞相祠

卷二 文

周雪山詩稿序

張世調詩序

贈張客卿居雪竇序

宋史

附刊本

贈吳于蕃序

序澱水蔣子近刻二首代

汪伯徵猶存草序二首

跋周乘六冊子

鄭伯克段于鄢

贈仲子

驚獄

亥箴

滿箴